

Typ.
73
w

Typ. 73 W



<36629978360011

S

<36629978360011

Bayer. Staatsbibliothek

C
MICHAELIS DENISII

A CONSIL. AUL. AUG. ET PRIMI BIBLIOTHECAE
PALAT. CUSTODIS

SUFFRAGIUM

P R O

JOHANNE DE SPIRA

PRIMO VENETIARUM TYPOGRAPHO.

Φίλος μὲν Σωκράτης, ἀλλὰ φιλτάτη ἡ Ἀλήθεια.

Plato apud Ammon. in vita Arist.




V I E N N A E,

MDCXCIV.

TYPIS JOAN. THOMAE NOB. DE TRATTNERN,

CAES. REG. AUL. TYPOGR. ET BIBLIOPOL.

A 1671023





Candido Lectori.

Multi conati sunt evincere, Nicolaum Jensonum, quamvis nec patriam ejus certo tenerent, nec scirent, unde, aut quando Venetias advenit, primum Urbis illius Typographum extitisse, eo, quod Libellum, qui *Decor Puellarum* inscribitur, anno MCCCCLXI. absque loci mentione ab eo ad calcem signatum reperissent. Elaborarunt in eo Cl. Cl. Viri, Maittaireus, qui tamen rem deinceps in dubio destituit, Orlandus, Haymius, Paitonius, Crevenna,

et novissime Scriptor *Idae*, siquidem recte interpretor, *criticae Typographiae* a) meritis laudibus ob insignem Artis peritiam, Librosque typis elegantissimis excusos, qui vel hodie maxime in admiratione et pretio sunt, Virum prosecuti. At vero, quod in illo prorsus eximium est, nescio qua fortuna, mihi relictum esse intelligo. Agitur de longissima Nicolai Jensoni vita, ad quam quidem nemini alteri Typographorum, si quid video, pervenire unquam contigit. Ajo nempe: Virum ultra duo secula aevum protraxisse, annisque ipsis 180. Typographicen exercuisse. Res monstri similis! Sed ad monumenta convertamur. Adjacet mihi Pentas Opusculorum latinorum a Viro pio Johanne de Deo Carthusiae Venetae Alumno conscriptorum, quorum hi Tituli: 1) *Nosce Te.* 2) *Corona Senum.* 3) *De Humilitate interiori et patienti-*

a) Annal. Typogr. *Hagae Comit.* 1719, p. 37. 4. Sed aliter T. I. P. I. *Amst.* 1733. p. 6. 4. Origine e Progr. della Stampa. *Bolog.* 1722. p. 16. 4. Biblioteca Ital. *Venez.* 1741. p. 137. 4. Dissertazione: Venezia prima Città fuori della Germania &c. *Venez.* 1772. 8. Catal. *Raifonné.* 1775. Vol. II. p. 61. 4. Quadro Critico 'Tipografico dell' Ab. M. B. *Venez.* 1793. 12. *pag.*

cientia vera. 4) *De immensa Charitate Dei.* 5) *In praeparatione infirmorum, et in dispositione morientium seu Flos vitae.* Expressit haec in 4to min. iisdem prorsus literis, eademque charta Venetiis Jenfonus noster, et Tertium quidem, ut e calce quam curatissime repraesentato, *Anno M.CCCC. pridie nonas Julias;* Quartum vero *Anno M.CCCCC.LXXX. nonas Julias.* Haeres paullisper, Lector! tecumque reputas: Quid magni Annus MCCCCLXI. si ipsum secularem MCCCC. Venetae Typographiae natalem habemus. At mox cum supercilio: Quid nugaris? Errores hi Typothetarum sunt, cujusmodi longam seriem quivis facile tibi texet Bibliographus. Cedo reliqua tria Opuscula! Viden' Anno MCCCCLXXX. singula rite signata? Video enimvero, et quamquam Maittairius olim asseruerit, in Typographo tam diligente vix admitti posse vitium in numeris, b) statueritque Crevenniani Catalogi Conditor, Jenfonum nunquam errasse, c) fateri tamen cogor contrarium, eoque magis, quod ad calcem. Secundi

b) Edit. 1719. p. 64. nota f.

c) Vol. II. p. 77.

cundi et Quarti memoratorum Opusculorum etiam in proprio nomine (*Jeson* pro *Jenson* ponendo) alucinatus est, ut nihil de omissa in ejus *Quintiliano Anni MCCCCLXXI. Lib. V. c. 6.* integra linea, aliisque minoribus mendis dicam.

Habemus igitur, ut jam serium sermonem ingrediamur, erroribus obnoxium Jensonum, et hominem, in cujus neque nomen, neque chronologiam facile jures. Nequaquam tamen ex his illico concludat aliquis, etiam in consignando anno *Decoris Puellarum MCCCCLXI* lapsum fuisse. Sufficiat ex hucusque dictis liquere, Typographum illum in erroribus deprehensum fidem suam aliquantum apud posteros labefecisse, quod nemo partium studio vacuus negaverit. Partes ipsae audiendae sunt, quaeque vicissim proferunt, rationum momenta expendenda. Jensoni Patronos praecipuos mox sub ingressum designavi. Ex adverso Bozius, Paschalius, Schelhornius, Deburius, Mercerius, Mittarellius, Morellius, d) non minus nota Literatoribus nomina

d) Hist. de l'Acad. R. des Inscr. *Paris, T. XIV. p. 233. 1743. 4.* Bibliotheca Smith. *Venet. 1755. p. 116. 4.* In Notis ad Card. Quirin. de opt. Scriptor.

mina consistunt. Certatum est hætenus ea, quae Viros eruditos decet, urbanitate; immo dictae potius sunt sententiae. Quoniam vero eas nuper admodum collegisse, et in favorem Jenfoni transsegisse sibi visus est ingeniosus, et Historiae typographicae studiosissimus Autor *Idae Criticae*, atque non uno loco gratum sibi fore significat, e) si, quid alii veritatis sectatores de impensa opera sua sentiant, candide promant, haud graviter accipiet, quod Italus pro Gallo egit, hominem Germanum pro populari suo tentare.

Pro Johanne itaque de Spira primo Venetiarum Typographo suffragium feram, et quidem ex ipsius amplissimae Reipublicae autoritate, quam non minus, ac Cl. *Idae* Scriptor, veneror. Monumentum decretorium repraesentato

Editionib. *Lindaug.* 1761. p. 98. 4. *Bibliographie instr. Vol. Jurispr. Sci. et Arts. Paris.* 1764. p. 205. 8. *Supplem. à l'Hist. de l'Imprim. de Prosp. Marchand. Paris.* 1775. p. 37. 4. *Bibliotheca Codd. Mss. S. Mich. prope Murian. Venet.* 1779. p. 178. f. *Libreria Pinelli. Venez.* 1787. T. IV. p. 43. 8.

e) Pagg. XLIII. LXVIII.

ro a Virò Doctifs. atque amiciffimo Jacobo Morrellio Bibliothecae D. Marci Praefecto nuper typis expreffum, mecumque communicatum, cui Titulum fecit: *Privilegio conceffo dalla Sereniffima Signoria di Venezia a Giovanni da Spira, registrato contemporaneamente nel Notatorio XIX. a carte 55. t. nella Cancellaria Superiore, ed ora per la prima volta pubblicato.* Ejus vero hic tenor :

1469. Die 18 Septembris.

„Inducta eft in hanc noſtram inclytam ci-
 „vitatem ars imprimendi libros, in diesque ma-
 „gis celebrior & frequentior fiet, per operam
 „ſtudium & ingenium Magiſtri Joannis de Spi-
 „ra, qui ceteris aliis urbibus hanc noſtram prae-
 „elegit, ubi cum coniuge liberis & familia to-
 „ta ſua inhabitaret, exerceretque dictam artem
 „librorum imprimendorum: iamque ſumma om-
 „nium commendatione impreſſit Epistoſas Cice-
 „ronis, & nobile opus Plinii de Naturali Hi-
 „ſtoria in maximo numero, & pulcherrima lit-
 „terarum forma, pergitque quotidie alia prae-
 „clara volumina imprimere; adeo ut induſtria
 „&

„& virtute huius hominis, multis præclarisque
 „voluminibus, & quidem pervili pretio, locu-
 „pletabitur. Et quoniam tale inventum ætatis
 „nostræ peculiare & proprium, priscis illis om-
 „nino incognitum, omni favore & ope augen-
 „dum atque fovendum est, eidemque Magistro
 „Joanni, qui magno urgetur sumptu familiæ,
 „& artificum mercede, præstanda sit materia,
 „ut alacrius perseveret, artemque suam inpro-
 „mendi potius celebriorem reddere, quam de-
 „sinere, habeat; quemadmodum in aliis exer-
 „citiis sustentandis, & multo quidem inferioribus,
 „feri solitum est; infra scripti Domini
 „Consilarii ad humilem & devotam supplica-
 „tionem prædicti Magistri Joannis terminarunt,
 „terminandoque decreverunt, ut per annos
 „quinque proxime futuros nemo omnino sit,
 „qui velit, possit, valeat, audeatve exercere
 „dictam artem imprimendorum librorum in hac
 „inclyta civitate Venetiarum, & districtu suo,
 „nisi ipse Magister Joannes. Et toties, quoties
 „aliquis inventus fuerit, qui contra hanc ter-
 „minationem & decretum ausus fuerit exercere
 „ipsam artem & imprimere libros; multari con-
 „demnarique debeat, & amittere instrumenta
 „& libros impressos. Et sub hac eadem pœna
 „nemo

„nemo debeat, aut possit tales libros in aliis
 „terris & locis impressos vendendi causa huc
 „portare.“

☞ Angelus Gradenico.	}	Consiliarii.
☞ Bertuccius Contareno.		
☞ Angelus Venerio.		
☞ Jacobus Mauroceno.		
☞ Franciscus Dandulo.		

Addidit laudatus Morellius: *Poco dopo la concessione del Privilegio, seguita improvvisamente la morte di Giovanni da Spira, dalla mano medesima, che nell' indicato Notarorio lo aveva scritto, al margine di esso fu aggiunto: Nullius est vigoris, quia obiit Magister & Auditor.*“

Habet igitur hic Lector, qui partium studio liber quaesita interpretationis artificia aspernatur, neque nodum in scirpo quaerit: *Inductam esse Venetias Artem imprimendi Libros per operam, studium et ingenium Magistri Joannis de Spira, et non alterius; Eum jam summa omnium commendatione, nullis igitur Copistis, five*

sive Scriptoribus librariis reclamantibus, f) *impressisse Epistolas Ciceronis et Opus Plinii de Naturali Historia*, vel ante obtentum Privilegium; *tale inventum omni favore et ope augendum atque fovendum esse*, atque adeo non invitis, non aegre annuentibus Patribus admissum; *per annos quinque proxime futuros neminem audere exercere dictam Artem in civitate Venetiarum et districtu suo nisi ipsum Magistrum Joannem*, igitur nec Jensonum, nec alios. Quid clarius! Nae is de sagacissimi Senatus prudentia, legumque ferundarum peritia detrudere videretur, qui, nescio quibus, interpolationibus, et sensibus affectis limpidam hanc turbidam facere veller. Alia sane *Privilegium* istud denuntiat, quam quidem e verbis Cl. Autoris *Ideae* discas, qui obiter illud attingens ait: *Nel quale si parla come di Arte già resa celebre e divulgata*, g) ejusque loco recitare mavult verba Marini Sanuti ad an. 1469. *Di Settembre fu preso, che atteso che l'Arte dello stampare è venuta alla luce, sia conceduto a*
Gio-

f) *Ideae* pag. LXII.

g) *Pag.* XLVII.

Giovanni di Spira lo stampare l'Epistole di Tullio e di Plinio (inscite de Plinio) per cinque anni, e che altri nolle stampino, h) quae, quamvis Jenfsono nihil patrocinentur, si tamen cum ipso *Privilegio* contendantur, evincunt, Sanutum illud aut non inspexisse, aut non sincere referre.

Quare vel solo hoc Documento e publico Tabulario, e quo haftenus nihil pro Jenfsono prolatum est, depromto Johannis de Spira, ut ita dicam, Primatus extra dubium positus videri potest. Verum cum ab hujus Seculi exordio, atque adeo a Maittairii temporibus (non enim, ut Cl. Autori *Ideae* visum, i) continuo trium seculorum cursu Libellus ille, *Decor Puellarum*, tamquam Primitiae Italicae Typographiae celebratus fuit) magno acumine et eruditionis apparatu caussa isthaec acta sit, atque, ut jam monui, omnia in utramque partem dicta colligenda, novisque pro Jenfsono argumentis cumulanda nuper sibi sumserit saepe memoratus

h) Vite de' Duchi di Venez. apud Murator. T. XXII. Script. Rer. Ital. col. 1189.

) Pag. XLII.

ratus Autor *Idae Criticae*, haud moleste feret, ut iterum dicam, Vir humanissimus, si brevitatis studio, prioribus omiſſis, ad pereruditam Ejus Dissertationem potissimum commenter.

Johannem de Spira Venetias praevertisse dicitur Nicolaus Jenſonus. Nam, dum ille non nisi a. MCCCCLXVIII. Libros, quorum *Privilegium* supra recitatum meminit, Adriaca in Urbe procuderet, extat pius Libellus ad Adolescentulas italico sermone scriptus, titulo *Dector Puellarum*, ad cujus calcem, absque loci mentione, legitur: *Anno a Christi Incarnatione M.CCCC.LXI. per Magistrum Nicolaum Jenſon feliciter impressum est.* Jam primum Nicolaus hic qui genus, unde domo? Sunt, qui Germanum, sunt, qui Gallum appellavere. Cl. Bozcius geminum de antiquiore Moneta gallica Tractatum manu scriptum excitat. k) In priore ad numos Ludovici XI. notatur manu coeva Jenſonus ab hoc Rege Moguntiam missus, ut artem libros imprimendi ibidem recens inventam quoquo modo condisceret. At Ludovicus

reg-

k) Hist. de l'Acad. des Inscr. T. XIV. p. 236. 4.

regnum non nisi exeunte Julio a. 1461. capeffit. Dicemus igitur Jenfonum quinque menfium fpatio Moguntiam petiiffe, artem perdidiciffe, characteres rotundos elegantiffimos, quales in Gutenbergii, Fauftique officina videre non potuit, neque apud Monetarios francicos, ut Numi ejus aetatis palam faciunt, paraffe, Venetiasque delatum *Decorem Puellarum* novo miraculo procudiffe? In altero Mfpto, quod Cel. Marietti fuit, Nota illa quidem ad Caroli VII. tempora, annumque 1458. remota eft; fed addit Bozius: *Quoique l'écriture et le fyle de cette feconde Note foient bien moins anciens, et ayent un air beaucoup moins original, que le fyle et l'écriture de la Note precedente &c.* quae verba fane non reddunt id, quod Autor *Idea*e interpretatus eft: *Scritta d'antica mano.* 1) In Nota Boziana Jenfonus vocatur *Garçon faige, un des bons graveurs de la Monnoye de Paris*; in Mariettana vero *Maitre de la Monnoye de Tours*. Atque optandum foret, ut, ne cauffae fuae diffidere videretur Autor noster, exactius utramque Notam retuliffet, neque recentiore antepofuiffet vetuftiori, neque fup-

pref-

1) Pag. XLVIII.

pressisset illud : *un des bons graveurs de la Monnoye de Paris* , neque ad Bozianam transtulisset, quod habet Mariettana : Jensonum Moguntia non redivisse in Franciam, sed alio divertisse.

Vides, Lector, quae ad Jensoni initia pertinent, fluctuare apud Scriptores, atque in incerto versari omnia, patriam, conditionem, tempus itineris Moguntini et Veneri. Ast alii Scriptores posteriora saltem ponunt extra dubium. Quinam hi? Marinus Sanutus Autor *Vitarum Ducum Venetorum*. Ille nempe, qui facile ea, quae de Arte nostra tradit, e M. Antonio Sabellico mox producendo, carpere potuit, quemque jam supra errorum coarguit *Privilegium* Johannis de Spira. Sed audiamus iterum errantem ad an. 1459. *In quest' anno l'Arte della Stampa fu trovata* (Psalterium igitur Moguntinum anni MCCCCLVII. ante inventam imprimendi Artem impressum fuit) *da un Tedesco nominato Giovanni Cutembergo d'Argentina. Altri vogliono, che fosse trovata da — — Fusto, e altri da Nicolò Jenson.* m) Quid hinc certi

m) Scriptt. Rer. Ital. T. XXII. col. 1167.

certi pro Jenson? Verum certius quid ad tempora Pasch. Maripetri Ducis a. 1462. 5. Maji extincti. n) *In tempo di questo Doge Venezia stette in pace e in quiete. E in questa Terra, poi per tutta l'Italia fu principiata l'Arte dello stampar libri.* Interpellare hic cogor Sanutum, ut lapsum Typotherae, quo usus est Cl. Autor *Idea*e, o) accussem. Interpunxit ille temere post verba *in questa Terra*, et post voculam *poi* conjunctionem copulativam *e* omisit, unde natus est hic sensus: *Post Venetias per omnem Italiam principium datum esse Typographiae.* Non ita Muratorius, e quo locus iste describendus fuit; verum sic: *E in questa Terra poi e per tutta l'Italia fu principiata &c.* Vides dictionem Venetam a Sanuto non praeferrì reliquae Italiae, sed eo teste *et in hanc, et in omnem Italiam* Typographiam inductam, et quidem postea (*poi*) id est a morte Maripetri. Sed jam reliqua ejus de Arte nostra audiamus. *La quale ebbe principio da alcuni Tedeschi, tra quali uno chiamato Niccolò Jenson Tedesco fu il primo che*

n) Col. 1168.

o) Pag. XLVI.

che in Venezia faceſſe ſtampare libri. Ita ſane, ſi quid Decreto publico teſtanti, ut legimus, *Artem imprimendi libros Venetias inductam eſſe per operam, ſtudium et ingenium Magiſtri Joannis de Spira,* derogare poſſet aſſertio privati Scriptoris, non ſemel in errore deprehenſi, et uſque adeo rerum Herois ſui ignari, ut, quem e tot Editionum clauſulis Gallicum diſcere potuiſſet, Germanum faciat. Quae vero Maripetri temporibus hic affigere videtur, ad Chriſtoph. Maurum Ducem referenda eſſe docet accuratior Rerum Venetar. Scriptor Paulus Maurocenus, cujus Opus Eruditifs. Apoſt. Zenus appellat *Volume molto ſtimato* p) quique ipſe in Prooemio teſtatur, multum ſe laboraſſe *nel rivogliere gli Scrittori eſterni, e nel leggere molte Croniche riſervate nelle caſe de' privati e negl' archivj più ripoſti e ſegreti della Repubblica.* Hic igitur ad an. 1468. notat: *L'anno ſequent 1469. fu introdotto in Venezia l'uſo dello ſtampare, che con gran commodo dei Letterati ne tempi ſequenti reſtò aggrandito et ampliato.* q)

Sanuto

p) Iſtorici delle Coſe Venez. T. I. Praef. p. XXIII.

q) Hiſt. della Città e Repp. di Venezia. Ven. 1637. p. 560. 4.

Sanuto succenturiat Autor *Ideae* M. Ant. Coccium Sabellicum, Loca tamen ejus *Hist. Venet. Dec. III. L. VIII. et Ennead. X. L. VI.* relatu nimium prolixa caussatus. Audiamus primum de naevis hujus Scriptoris laudatum Zenum. r) *Sit primo loco neglecta Veritas, dum quaedam secus refert, atque Andreas Dandulus, aliique rerum Venetarum scriptores qua veteres, qua recentes. Accedit, confundi ab ipso temporum seriem adeo, ut ne sibi quidem, nedum aliis constet. — Ipse fatetur, quandoque ineptissimos Annales adhibuisse stilo prorsus plebejo descriptos, neque satis antiquos, aut diligentes. Quid jam ait hic Sabellicus priore loco? s) Maripetri Ducis tempore librorum imprimendorum rationem primum in Italia repertam; Commentum ipsum Germani hominis credi. Quid aliud expectes ab homine totius negotii parum gnaro? Tota Italia procedente tempore officinas constitutas, aperta aemulatione inter opifices diligentia et ingenio certatum, Nicolaum Jenson, quem Veneta civitas sortita est, omnes alios*

r) Pag. XLI. Vitae praemissae T. I. Collectionis mox citatae.

s) Collectio cit. T. I. P. 2. p. 715.

alios post se procul reliquisse. Quid hinc opis Jenfoni Patronis? Quid si *Germanus* ille Sabellici homo Johannes de Spira esset? Sed nihil hariolor. *Procedente tempore officinas constitutas, inter opifices certatum, Nicolaum Jenson omnes alios post se reliquisse,* in confesso est. Num tamen illum ideo Spirensi antepones, qui ante certamen e vita decessit? Num verba illa: *quem Veneta civitas sortita est,* idem tibi significant, ac: *qui primus libros Venetiis impressit,* praesertim, cum praemittat Sabellicus *procedente tempore?* An non et Aldos haec Civitas est *sortita?* Examinemus jam alterum Locum nihilo magis Jenfoni propitium; nihil enim in eo de Venetiis. t) *Sunt, qui inter initia Pientini Pontificatus (1458) Typographiam Italiae inveciam dicant, quod non multum sit diversum ab eo, quod alii prodidere, ut in eum ipsum annum Callisti exitus inciderit, et Pii pontificis creatio. Sed utcumque res signanda est, claruerunt plerique ejusmodi opificio, sed omnium maxime — Nicolaus Jenfon et Johannes Colonienfis, ambo Theutonici.* Vides, primum non admodum laborare Sabellicum de ve-

t) Edit. Basil. 1560. p. 953. f.

ra Epoche introductae in Italiam Artis; deinde, si in sequentibus de primo Venetorum Typographo res esset, Johannem de Colonia, qui demum a. 1471. officinam aperuit, Jenfona aequandum fore. Quare apage haec testimonia, quae solem lucerna demonstrant! Novimus Jenfonum a Viris doctis laudatum, a summis Pontificibus honoratum, praestantissimum Venetorum Typographum. Primum negamus, quem nemo veterum Scriptorum probat, nisi fortassis Omnibonum Leonicum oggeras, qui, cum ab Jenfona ad calcem *Quintiliani* a. MCCCCLXXI. *Eruditissimi* vocabulo mactaretur, ut ingrati animi notam vitaret, in Praefatione Jenfonum *Librariae artis mirabilem inventorem* compellavit, qui non, ut scribantur calamo libri, sed velut gemma imprimantur ac prope sigillo, primus omnium ingeniose monstravit. Sensit ridiculas has ampullas *Catalogi Crevenniani* Autor, u) nodumque allato facilissimo temperamento sibi solvere visus est. Itaque tam ad *mirabilem inventorem*, quam ad *primum omnium* interfertur: in Italia. Sed enim Leonicum jam seculo suo Autor *Chronici Colonienfis* lingua germanica

2.

u) Vol. II. p. 74.

a. MCCCCXCIX. impressi w) de mendacio con-
venit: *Dat is offenbairlich gēlogen. Want Sy
syn noch im leuen, die dat getzuigen, dat men
boicher druckte tzo Venedige, ee der vurs (vor-
gesagte) Nicolaus Genson dar quame, dair he
began schrift zo snyden vnd bereyden. Quali
dicas: Superstites etiamnum esse, qui testaren-
tur, Libros Venetiis impressos fuisse, antequam
Jensonus eo delatus typos pararet.*

Et quinam hi Libri? *Epistolae Ciceronis,*
et *Plinius de naturali Historia.* Docet hoc Jo-
hannis de Spira *Privilegium* a me recitatum in
principio, docent Versus ab eo primae Cicero-
nis Editioni subjecti:

*Primus in Adriaca formis impressit ahenis
Urbe libros Spira genitus de stirpe Joannes.
In reliquis sit quanta vides spes, lector, ha-
benda,
Quom labor hic primus calami superaverit
artem.*

M. CCCC. LXVIII.

En

w) Coloniae fol. 312. f.

En *primum primi* Typographi in *Adriaca Vrbe* laborem, *spemque in reliquis* ejus laboribus *habe!* En sensum nativum, obvium hujus Epigrammatis, ni praejudicio caligant oculi! Intellexerunt ejus vim Jensoni Fautores, et praecipue Autor *Ideae* nihil non agit, ut eam elidat. x) Sensum hunc indefinitum, et generalem esse caussatur. Perinde ac alium animo intendisset, aut intendere voluisset Spirensis. Immo. Esse sensum aliquem mitiorem, magisque restrictum. Et quem illum? Intelligendum esse: Johannem primum Venetiis impressisse *hos* Libros. Quam violenter, quam absque ullo solido fundamento! Igitur, ubi Cicero ait de Aesculapio: *qui primus vulnus dicitur obligavisse;* y) intelligam deinceps *hoc* vulnus? Ubi Virgilius de Pane: *primus calamos cera conjungere plures instituit;* z) intelligam *hos* calamos? Ubi A. Gellius de Livio Andronico: *primus omnium fabulas Romae docere coepit;* a) intelligam *has* fabulas? Atque sic rite exponi ait ad regulas

Cri-

x) Pag. LVI.

y) De Nat. Deor. III. 22.

z) Ecl. 2.

a) L. XVII. c. 21.

Critices, b) quae si Critice sit, ingenue fateor, me nihil videre, nisi tortis ejusmodi interpretationibus etiam ex ipsis sacris Literis confici posse, quae velis. Utitur alia ad labefactandum Epigrammatis sensum praeterea machina, verum nihilo felicius. c) Epigramma opponit *Corn. Tacito* subjectum, quem an Johannes etiamdum vivens, an ab ejus subita morte *Wendelinus* frater vulgaverit, hic quidem in medio relinquam. En illud:

Cesareos mores scribit Cornelius. esto

• Iste tibi Codex: historię pater est.

Insigni quem laude feret gens postera: pressit

Spira premens: artis gloria prima suę.

Viden', ait, ultimis hujus Epigrammatis verbis dubium fieri, an *Ciceronis Epistolae*, an vero *Tacitus* labor *primus* Spirensis fuerit? Ad-
dit, hunc nodum haecenus a nemine solvi potuisse. Solvam fortassis ego, et quidem e poeticae locutionis indole, latinaeque constructionis regulis. Impressit a. MCCCCLXXXIII. Parmae

b) Pag. LVII.

c) Pag. ead.

mae *Petrarchae Triumphos* Andreas Portilia.
Epigramma subjunctum ita finit:

*Hæc nam dedalicus posuit portilia parma
Andreas: patriæ gloria magna sua.*

Quid censes? Lector! An Editio Petrarchæ est *patriæ gloria magna sua*, an vero Impressor Portilia? Portiliam innuis, illudque, *patriæ gloria magna sua*, Appositum poeticum vocas, ut Virgilianum illud, quod tenes a scholis: *gemi-
mini, duo fulmina belli, Scipiadae*, d) omisso nempe relativo pro, *qui est* patriæ gloria magna suæ; neque enim, si de Editione sermo esset, latinum foret: *Haec posuit Portilia gloria magna*, sed *gloriam magnam* dici oporteret. Age nunc, et Parma transgressus Venetias Spirensensem pariter expedi. Nam sive totum posterius Distichon ad illum traxeris, quod potes, sive extrema: *Pressit Spira premens: artis gloria prima suæ*, non Taciti Editionem, sed Taciti Editorem *artis suæ primam*, Venetiis nempe, *gloriam* pronuntiabis, aut *primam*, quod haud in-

d) Aeneid. L. VI.

infrequens Latinis, *primariam*, *excellentem*, *singularem* interpretaberis.

Verum missa faciamus isthaec Grammatica, quibus nec ipse Scriptor *Ideae* vim inesse volet, nisi in aliorum argumentorum consortio. Ait igitur: nisi Versus illos miti suo, et restricto sensu exponamus, credulitatis et mendacii argui Scriptores gravissimos multos, et antiquos.

e) At hi neque multi sunt, ut vidimus, neque in hac parte gravissimi; non enim illorum aevo Typographiae, quam obiter tantum attingebant, Historia ita exulta fuerat, uti eam hodie habemus; quidam vero illorum Jensonum non primum, sed peritissimum modo artis suae praedicant, quibus pollicem lubentissime premo. Ait: hac ratione confusionem nasci, trahique in incertum Origines typographicas superioris Italiae. Ast a quibus? Ab illisne, qui proprio, clarissimoque sensui verborum inhaerent, an vero ab illis, qui verba quaesita interpretatione detorquent, compositam paene controversiam rursus movendi studio? Ait: hanc interpretationem necessariam esse propter argumentum, quod vocat,

vocat, *Faāi*. f) Quodnam illud? Annus nempe MCCCCLXI. *Decori Puellarum* evidenter appositus. Verum iste non argumentum est, sed affirmatio, quam discutimus, cui contradicimus. Ait: Spirenses se ipsum jactare, neque repeti aut ab illo, aut a Wendelino fratre hanc in posterioribus, licet inflatis, Editionum Subscriptionibus jactantiam. g) Primum non liceret Spirensi, quod licuit Jensono, qui se *praestantissimum Librorum Excultorem, Virum summum, Officinam suam inclitam et famosam* appellavit? h) An *Vir summus* non etiam *primum* se appellasset, si quidem potuisset? Quis crimini vertit Horatio et Ovidio succinentibus:

Exegi monumentum aere perennius.

Jamque opus exegi, quod nec Jovis ira &c. i)

Liceat in re simili verbis uti magni Leibnizii: *An putas alios omnes (Jensonum) filere potuisse ad Fausti et Schöfferi (Spirensium) jactantiam*

f) *Pag.* XLIII.

g) *Pag.* LVII.

h) Ad calcem *Luctus Christianor.* et V. Opusculor. lat. hic saepius citator.

i) *Od. L. III.* 30, *Metam. L. XV.*

ationes — si tanto ante hos (1461) Typographia increbuisse? k) Cur vero Spirenses in posterioribus clausulis Johannis Primatum lectoribus iterato inculcassent, non video. Video magis, ita agere homines rei suae certos, candidos, neque suspicantes, fore olim, qui illos de possessione sua deturbarum irent. Ait denique: si illud, *Primus in Adriaca* &c. non accipiat restricto ad *Ciceronis Epistolas* et *Plinium* significatu, condemnandum fore Jensonum, tamquam aut fraudulentum, aut malitiosum impostorem. l) Conglobari certo multa possunt, ut affluens est lingua Italica, ad faciendam speciem, quae tamen singillatim expensa parum habere roboris deprehenduntur. Ego Jensonum neque fraudis, neque malitiae arguendum censeo, sed, homo cum esset, humanum quid passus est. Erravit in consignando anno MCCCC. et MCCCCCLXXX. ut supra vidimus, dum in arte sua jam multo esset perfectior, quidni errasset in anno MCCCCCLXI, nuper admodum tirocinium egressus. Supervacaneum esset Catalogum hic Typographorum attexere, qui ad calcem

k) *T. VI.* Opp. Genevae 1768. p. 209.

l) *Pag. XLII.*

cem quarundam Editionum in signando tempore peccavere. Norunt eas Bibliographi. Sed horum errores, reponit Cl. Autor *Ideaq*, m) factis historicis, et authenticis documentis convelluntur. Non igitur licet documentis authenticis accensere *Privilegium* Johanni Spirae concessum? Verum cur is, cur alii Jenfoni aemuli non reclamarunt? Quis, quod sciamus, reclamavit exempli causa Conrado Histio Spirae a. MCCCCXLVI. *Conscientiae Speculum*, quis Erhardo Ratdolt Venetiis MCCCCLXVIII. *Franc. Maturantii Opusculum de componend. Versib. Hexam. et Pentam.* signanti? Riserint potius faciles Typographi, et *scapham scapham*, errorem errorem habentes apud animum suum reputaverint Terentianum illud: *Homo sum; humani nihil a me alienum puto.* n) Quod vero nominatim nec Spirensis Jenfoni, nec Jenfoni Spirensis Epigrammati: *Primus in Adriaca* &c. reclamavit, argumento est, *Decorem Puellarum* a. MCCCCLXI. lucem nondum aspexisse.

Au-

m) *Pag.* XLIV.

n) *Heaut. Act. I. Sc. 1.*

Auspicetur ergo Fastos suos Typographia Veneta solidiore cum gloria ab *Epistolis* summi Oratoris, quibus Senatus ipse sapientissimus fert testimonium, quam quidem a rudi pia simplicitatis Opusculo, unico in propria caussa teste, et quod nemo ejusdem aetatis *primum primi* Artificis *laborem* appellavit. Neque facile quis Johannem de Spira, quod se *primum* Urbis Adriacae Impressorem dixit, vel dici passus est, mendacis accuset jactantiae, nisi velit eandem labem, ut alios taceam, Gerardo de Lifa Tarvisino, Baltassari Azzoguido Bononienfi, Philippo Laviniae Mediolanensi Typographis aspergere, qui omnes *primos* se suarum Civitatum in publico affirmaverunt. Et ille quidem ad *Augustini Manuale* MCCCCLXXI.

*Hic Tarvisina nam primus coepit in urbe
Artifici raros aere notare libros.*

Alter ad *Ovidium* MCCCCLXXI. *Primus in sua Civitate artis impressoriae inventor.* Tertius ad *Avicennam* MCCCCLXXIII. *Artis stampandi in hac urbe primus lator atque inventor.* Quo vero, rebus ita constitutis, *Decorem Puelarum* referemus? Id nempe nunc agimus.

Extant

Extant Opuscula V. a primo, quantum hactenus scire datum est, Vindobonensium Typographo, qui nomen suum nos celavit, anno MCCCCLXXXII. procusa, videlicet 1) *Traſſatus Diſtinctionum Joh. Meyger.* foll. 11. 2) *Guidonis de Monte Rocherii Manipulus Curatorum.* foll. 86. 3) *Aegidii Columnae Errores Philoſophorum.* foll. 5. 4) *Hiſtoria S. Rochi* lingua germ. foll. 8. 5) *Joh. Gerſonis Doctrina de Confeſſione et Abſolutione.* foll. 14. Recenſui illa partim in *Hiſtoria vernac. Typographiae Vindob.* o) partim in ejus *Spicilegio* p) retuli vero etiam in *Supplemento Annal. Maitair.* q) Formam habent 4ram, chartam eandem, characteres eosdem, in ſumma ita comparata ſunt, ut non ovum ovo ſimilius, videanturque, velut opus continuum, uno calore de prelo detracta. Solus tamen *Aegidius* ad calcem pro anno MCCCCLXXXII. annum MCCCCLXXII. exhibet. Haerebam enimvero, dum primus in eum inciderem, jamque tacitus mihi gratulabar facultatem officinae Vindobonenſis ipſo decennio

o) Vien. 1782. p. 1. 4.

p) Ibid. 1793. p. 27. 4.

q) Ibid. 1789. p. 143. 4.

nio propius ad Artis cunabula admovendae. Verum re maturius perpenſa in illud prorupi: *Antica quidem Vindobona; ſed amiciffima Veritas!* Quid enim, aiebam, Typographus iſte, quisquis demum fuit, novennio ipſo manum abſtinuit ab opere, toto temporis intervallo nulla quamvis ſolertiſſima perveſtigatio aliquem ejus officinae partum detegere potis fuit, et en decimo anno ad illam reverſus eandem chartam, eodem typos, eandem prorſus editionis formam in promptu habet, et repraeſentat? An novennio interpoſito alicubi gentium peregre abſuit? An pervicacem *Copiſtarum*, ſive Scribarum librariorum Vindobonenſium repugnantiam, velut alteram Trojam, decimo demum anno expugnavit? At ejusmodi conjecturarum ne veſtigium quidem in monumentis noſtris reperi. Quocirca in mendo cubare neceſſe eſt annum illum *Aegidii MCCCCLXXII.* atque huic affirmationi praeter humanam ſeu fragilitatem, ſeu incuriam, praeter tot aliorum Typothetarum exempla illud etiam ſuffragatur, quod artifex paullum imperitior ita columnam, quam vocant, ordinavit, ut, ſiquidem genuinum annum *MCCCCLXXXII.* exprimere voluiſſet, ultimi ejus numeri, aut ultra columnam procurrere, aut

aut novam ordiri debuissent. Neutrum cum illi arrideret, peremptorio usus compendio tertiam Decadis notam (X) omisit.

Quorsum haec? inquis, aut potius, quod tendam, jam intelligis. Concinnaverat Vir religiosissimus, de quo tamen nec in *Historia crit. chronol. dipl.* Ordinis sui sermone italico edita r) satis explorata traduntur, Johannes de Deo Carthus. Opuscula V. pia latina, quorum Titulos sub ingressum recensui, eaque per anni MCCCCLXXX. aetatem imprimenda Nicolao Jenson, cui intimum fuisse, nescio unde, ferunt, s) commisit non optimo omine bis in anno rite subsignando, quemadmodum pariter vidimus, prolapsa. Et instituta comparatio, et Eruditorum sensus suadet, ab eodem D. Brunonis filio proficisci Opuscula pia italica itidem V. antecedenti tempore composita, mundanorumque potissimum hominum usibus destinata, cum posteriora Deo dicatos magis spectarent. Atque horum quoque Tituli recitandi sunt: 1) *Decor Puell-*

1) Nap. 1779. T. IX. L. 4. p. 112.

2) Lettre du R. P. Gabr. Fabricy. *Esprit des Journ.* 1781. Juin. p. 262.

Puellarum: Zoe Honore de le Donzelle &c. cum Mantiffa nullo anno signata: Ordine del bem viver de le Done maridade chiamato Gloria Mulierum. 2) Palma virtutum: Zioe triumpho de uirtude. 3) Parole deuote de lanima inamorata in miffer Jefu. 4) Luctus Christianorum ex Paffione Chrifti, Zoe Pianto de Chriftiani &c. 5) Lætitia Christianorum. Iſthaec Opuscula fimiliter Officinae Jenſonianaë tradidit Auror, e qua eodem guſtu, iisdem prorfus typis, eadem charta, eademque forma 4ta min. pulcherrime quidem prodivere. Formam 4tam ajo; ſignum enim Chartarii *Bilanx* ad interiorem paginae marginem ipſamque Compactoris futuram utrinque dimidia cernitur, atque ego ſpecimen hujus ipſiſſimae chartae in quodam Seculi XV. Codice mſ. Bibliothecae Palatinae, cui adviſſo, repertum apud me ſervo. Jam vero quo anno (loci enim nulla fit mentio) ditata eſt Ars typographica illuſtri hoc monumento? Opusculum I. annum MCCCCLXI. oſtentat. Tria ſequentia anno MCCCCLXXI. conſignata ſunt. Ultimi nullum haëtenus inventum eſt exemplar, neque tamen propterea de ejus impreſſione dubitandum videtur; citatur enim Opusculi I. *L. VII. c. 4.* ubi *una nuova Operetta* vocatur, et com-

mendatur Virginibus: *Cercate dhauere*. Vides, Lector! cur ad Pentadem Vindobonensem supra digressus sim. Eadem hic impressionis, ut a Scholasticis mutuer vocabulum, Identitas cum annis MCCCCLXI. et LXXI. quae ibi cum annis MCCCCLXXII. et LXXXII. Eadem, quae ibi annum MCCCCLXXII. repudiandum Bibliographis suadent, pugnant hic contra annum MCCCCLXI. Nihil de Jenfoni per octennium medium occupatione solide doceri potest, et conjecturis nihil evincitur. t) Quod de multis Editionibus absque ullo Loci, Temporis, et Artificis indicio extantibus ad hos octo annos referendis asseritur, infirmo stat talo. Cur enim Jenfonus prodito jam ad annum 1461. nomine suo rursus deinceps abstinuisset, praesertim ad Editiones gravioris et utilioris in publicum argumenti, quam quidem *Decor Puellarum*, e quibus et quaestum, et celebritatem longe majorem sperare poterat? Adde, quod e sic dictis characteribus Jensonianis non colligatur evidenter prelum Jensonianum, cum diversi Typographi eosdem ab Exculptore sibi comparare potuerint, ut simile quid Cl. *Idae* Scriptor ipse

t) Pag. LXI.

se de Philippo Lavania non diffitetur, u) et exemplo Augustanorum nostratium Güntheri Zainer et Christmanni Hayny patet. w) Adde, quod Editiones illae multae sine die et consule, etiam si omnes Jensono tribuantur, intra annum 1470. et 71. absolvi potuerint, cum Johannes de Spira, ut ad *Augustinum* ab eo coeptum restis est a. MCCCCLXX. Wendelinus ejus frater,

*Mense fere trino centena volumina Plinī
Et totidem magni Ciceronis — Libellos*

excripserit. Adde demum, quod Subscriptiones illae et Hederae poeticae calci Librorum appensae saepe minus in arbitrio Magistri ipsius, quam amicorum et operarum ejus fuisse videantur; unde factum, ut pars Exemplarium unius ejusdemque Editionis clausulis hujusmodi gaudet, pars careat, quin et ipsae hae clausulae dictione discrepent, quemadmodum in *Bibliis* lat. *Moguntinis* anni MCCCCLXII. videmus.

C 2

Quam-

u) *Pag. ead.*

w) *Supplem. Annal. Maitt. ad an. 1471. p. 8.*

Quamobrem, si meminerimus, Jenfonum anno MCCCCLXXX. in consignandis Libellis bis reum teneri, si consideremus, fieri vix posse, ut interposito octo annorum spatio e quadam Officina prodeant Libelli eadem charta, eodem charactere, eadem penitus forma, si nihil rationis appareat, cur hi Libelli ejusdem auctoris, ejusdem materiae et scopi tanto ab se intervallo distrahantur, concludamus, oportet, adoptandum illud: *Amica quidem Vindobona, amicae Venetiae, sed amicissima Veritas!* reddendam *Decori Puellarum* alteram Decadis notam (X) quae Typothetae aut imbecillitatem, aut socordiam fefellit, eumque sociis Libellis ad annum MCCCCLXXI. rursus jungendum. Extitisse illos jam tum, dum *Decore Puellarum* imprimeretur, certum est. De *Laetitia Christia- norum* id superius ostendi. Sed et reliquorum usus in ipso *Decore Puellarum* L. V. c. 9. nominatim Lectoribus commendatur. An facilius credam, Libellum ultimo compositum, decennio ante priores, quos citat, ad quos remittit, impressum fuisse, quam in anni ejus numeros errorem, quod centies factum est, irrepsisse? At dices: Citationes et remissiones istae ad horum Libellorum Exempla manu scripta, non
vero

vero impressa pertinent. x) Sit ita. Verum an tu Johannem de Deo eorum, quae recens scripsit (nihil enim ad illum *Legendae Virginum, Vitae Patrum, Flos Virtutum, et Speculum Crucis*, aliena Opera, quae pariter laudat) tam immemorem fuisse arbitraris, ut, dum Jenfoni *Decorem Puellarum* imprimendum traderet, non simul et reliquos quatuor exiguae molis Libellos, ad quos *Decor* provocat, commendaret? Et huic Amici intimi commendationi non nisi decimo post anno morem gessisset Jenfonsus, ludificatus interea Lectores, dum in Libello impresso monerentur quaerere Libellos (*Vogliate sollicitar de hauere; Cercate dhauere*) qui impressi nondum existerent?

Controversia omni ad hunc, quem vides, statum adducta, restant observanda quaedam; candide Lector! quae ad ipsum, quo *Idea crit. Typographiae* decurrit, filum accommodare, opportunissimum censeo. Pag. igitur XXVI. erroris coarguitur Bozius, cui tamen uni debemus qualiacumque illa de Jenfoni initiis documenta, ob exiguum documentorum copiam, et qui-

x) Pag. LIX.

quidem *in tempo, in cui non si parlava, che delle regole di Critica*. Minus igitur erratum fuisse dicemus illo tempore, quo nondum vige-
 gebat Critice? Quo latebat Documentum il-
 lud authenticum *Privilegii* Spirensis? *Pag.*
 XXVII. asseruntur Heineckenius, Saxius, Meer-
 mannus, Lairius, Mittarellius et alii circa Ty-
 pographiae in Italiam inductionem nihil re ab
 argumentis Bozii diversum asserre, ideoque non
 nisi unicum cum eo testimonium conficere. Pro-
 nuntiatum plenius fiducia, quam de Bibliogra-
 phorum assensu certum. *Pag.* XLII. querelae:
Annum Decoris Puellarum MCCCCLXI. a 40.
 annis solo Criticorum hodiernorum effato im-
 posturam habendam esse. Effato certe, sed ar-
 gumentis innixo. Ego vero non imposturam,
 sed erratum Typothetae dixi. *Pag.* XLIII. urget
 Cl. Autor: *La Data 1461. è un fatto certo.*
 Non alio sensu, quam quodvis mendum, quod
 in charta expressum oculis cernimus. *Pag.* XLIV.
 ratiocinatur: Nemo primorum Italiae Typogra-
 phorum huic anno reclamavit. Ergo nullus po-
 tuit de ejus veritate dubitare. Quid si inferas:
 Ergo non extitit hic annus subscriptus, nisi an-
 no demum 1471? Minus saltem certum est,
 hanc Subscriptionem extitisse vivo etiamnum
 Spi-

Spirensi, quam Spirensis Epigramma: *Primus in Adriaca* &c. extitisse vivo Jenfsono; et an reclamavit Jenfsonus? *Pag.* XLV. movet conjecturam: Jenfsonum jam a. 1459. *Durandi Rationale* (6. Octob. prelo egressum) Moguntia Venetias attulisse. Demus illum a Carolo VII. a. 1458. Moguntiam missum fuisse, quamquam Documentum antiquius Ludovicum XI. regnum a. 1461. auspicatum assignet, ut supra e Bozio monui, quis tamen non miraretur typographicum hunc Caesarem, qui jure de se praedicare possit: *Veni, vidi, vici!* y) atque effingendo ad gothicum istud *Durandi Exemplar* nitidissimos characteres latinos in ipsis Artis primordiis ne quidem biennio opus habuerit ad id, quod Autor noster z) magnum illum Aldum Arte jam admodum provecta vix quinquennio praestitisse perhibet. *Pag.* XLVIII. M: Ant. Sabellicus Historiam suam Venetam e Documentis originalibus Archivi publici compilasse dicitur. Qua ratione fugisset illum *Privilegium* Johannis de Spira, quod vel ipso teste Nostro a) ibidem extat? Verum audiamus iterum Cl. Zenum.

y) Suet. c. 37.

z) *Pag.* LI.

a) *Pag.* XLVII.

num. *Scriptu, cum nulla ei publicorum monumentorum copia esset facta, atque adeo cum ne Venetiis quidem, sed Veronae tunc ageret.* b) *Pag. LI.* et alibi innuitur Jensonus docuisse per Italiam libros imprimere, et characteres fundere. Candide fateor me nescire, quis paullo antiquiorum haec tradat. Characterum formulas ad eleganter exaratos Codices, quorum copiani humanissimi Italiae Literatores Artificibus libenter faciebant, effictas fuisse, mea quidem qualiscunque fert opinio, cumque certis aetatibus, ut notum, certa sua scribendi ratio fuerit, neque unius aetatis Codices Mss. in una Veneto- rum ditone continerentur, sed per omnem sparsi essent Italiam, sparsi quoque Artifices ad eos accedere potuere, quin ulla *Genesi Jensoniana* c) opus haberent. Ita etiam diversitatem Diphthongorum *ae, æ* et *ç*, et literae extremae *f* et *s* a diversitate Codicum Mss. licet repetere. *Pag. LIII.* et alibi, ut enervaret Autor Joh. Schöfferi Testimonium de Arte Typographica in domo Avi materni Johannis Faust, et Patris sui Petri Schöffers usque ad annum 1462. clam habita,

om-

b) *Vitae supra citat. p. XLIII.*

c) *Pag. LXI.*

omnibus ministris ac familiaribus eorum, ne illam quoquomodo manifestarent, jurejurando adstrictis, d) contendit, jam in Subscriptionibus *Psalterii* MCCCCLVII. et *Durandi* MCCCCLIX. tam clare novae illius Artis inventionem, et imprimendi modum edici, ut eam ad annum usque 1462. occultam servare fuerit impossibile. Ita quidem hodie inter Typographeas et libros impressos versanti videri possit. At finge, Lector! te illo aevo non nisi Codicibus Mss. insuetum vixisse. Quid opis ad artem condiscendam tibi fuisset in illo Aenigmate: *Artificiosa quaedam adinventio imprimendi ac characterizandi absque ulla calami exaratione?* Nihil enim plus Subscriptiones illae produnt. Pag. LIX. dubitat Autor *Ideae*, num quis unquam aliquid e Jensoni prelo viderit, quod non adaequet, vel superet perfectione *Decorem Puellarum*. Non gravetur, vel *Supplementum Annal. Typogr. Maittaire*. e) intra annos 1477 — 82 perlustrare. Videbit, summum Virum se non infrequenter ad tristes formu-

d) Ad calcem Breviarii Chronicor. Johan. Trithemii. Moguntiae 1515. f.

e) *Viennae*. 1789. 4.

mulas gothicas, et intricata vocum compendia demississe. Ad pag. LXIII. noto: quemadmodum varias Artificum migrationes docet Typographiae Historia, ita varias harum migrationum potuisse esse causas, puta: spem uberioris lucri, invitationes, aemulationes; neque facile ad infectiones *Copistarum*, seu Scriptorum libreriorum recurrendum esse, nisi Documenta suppetant. Atque utinam placuisset Lairio, cuius Viri accuratio a Cl. Audiffredio parum commendatur, f) certius designare Tabularium illud Januense, e quo Documentum suum excitavit! Heinekenius certe Scribas non memorat, sed *les faiseurs de cartes a jouer*, quibus agentibus aliquam diu prohibitum fuit Augustae Vindel. Typographis, non libros imprimere, sed *de n'insérer ni vignettes, ni capitales gravées en bois dans leurs livres*; g) nec Amico meo Zapfio sermo est de *Copistis*, sed de *Xylographis*, qui pias icones et chartas luforias im-

f) Catalog. hist. crit. Editt. Rom. Sec. XV. Romae 1783. 4.

g) Idée gen. d'une Collection compl. &c. Leipsic. 1771. p. 468. 8.

imprimebant, et coloribus inficiebant. h) *Pag. LXIV. lego: Dopo la Data del Decor Puellarum 1461. non si trova più un Libro con Data di Venezia fino al 1469. In exemplo Libelli hujus, quod mihi objacet, nulla Venetiarum mentio. Pag. demum LXV. aegre nobis persuadebitur, Jenſonum ab a. 1462. ad an. 1470. clandestino libros Venetiis impreſſiſſe. An dicemus vigilantiffimos Patres in ordinatiſſima Civitate id ignoraffe? Vix quidem. Cum enim Jenſonus ab aevi ſui hominibus paſſim Germanus appelletur, liquet, adventum ejus Moguntia mox vel in vulgus notum fuiſſe. Quis vero eos conniviſſe credet, qui legerit in *Privilegio Johanni de Spira conceſſo*, qua gratulatione acceperint Artem, quam vocant *Inventum aetatis noſtrae peculiare et proprium*, *priscis illis omnino incognitum*, *omni favore et ope augendum*, *atque fovendum*.*

Atque in hoc *Privilegio*, a quo exorſa eſt, terminetur etiam *Diſputatio*, cujus multa irrita et indiſta lubens habuero, ubi primum quis ex
iis-

h) Hiſt. vernac. Typographiae Auguſt. *Ibid.* 1786. P. I. pagg. VI. XIII. 4.

iisdem Tabulariis aliquid antequam tempore in Jenfoni favorem protulerit; solo enim veritatis studio suscepta est. Effet quidem etiam, quod de primis Romae Typographis, quibus non uno loco Cl. *Ideae* Scriptor imminet, annotari posset; verum ego me modo intra fines Venetos tenere, causamque illam Romanis Literatoribus relinquere decrevi. Erunt fortasse, qui summi Pontificis in Jenfoni favorem, et Schweynheimii, Pannartziique miseriam ex utriusque gentis indole interpretabuntur; erunt, qui non injuria Johanni Alerienti Correctori istorum Omnibonum Leonice Jenfoni Correctorem opponent. Ego Virum Cl. saepe nominatum, cujus eruditionem suspicio, acumen admiror, studium Rei bibliographicae deamo, humanitatem praedico, id unum orandum mihi sumo, ut, dum Origines typographicas superioris Italiae, quas nemo non Hominum literatorum avidè complectetur, in medium deprompturus est, i) ne Testibus in propria causa, annos ad calcem Editionum adjectos intelligo, plus aequo fidat, nisi testibus aliis fulciantur. Quantum enim

i) Pag. XLIII. LXVIII.

enim Erratorum typicorum a primo illo Progenitore *Spalmorum* pro *Psalmore*, qui jam in Subscriptione *Psalterii Moguntini* a. MCCCCLVII. comparuit, increverit Familia, quot Impressores in signando Anno, Loco, proprio Nomine lapsi sint; non est, quod a me nunc primum audiant Eruditi. Producere, quae inveneris, et eorum exponere cognitioni, laudabilissimum est, neque enim, nisi id egissent Majores, eo loci, quo consistimus hodie, provecti fuisset, et multa latent in Tabulariis, forulisque Bibliothecarum ad omnem historiam, quae

in apricum proferet Aetas; k)

at vero his uti non sat exploratis et firmis ad illa convellenda, quae communi paene consensu recepta sunt, moliendasque novas substructiones, quae ratiocinationis et conjecturae potissimum adminiculis nitantur, id nempe vitandum nobis esse omnino censeo, neque praebendas aures *dulci illi periculo*:

Dicam

k) Horat. Epist. L. I. 6.

*Dicam insigne, recens, adhuc
Indidum ore alio; l)*


ne secus, quod non minus, ac Cl. *Ideae* Scrip-
tor, m) metuo, Typographiae Historia ab an-
nis his 60. sic satis explicata inextricabilibus
rursus difficultatibus involvatur, redeatque no-
bis tandem, qui Origines ejus ad Saturnum de-
nuo referat. n)

l) Idem Odar. *L. III.* 25.

m) *Pag.* LI. LVI.

n) Vide Prosp. Marchand Hist. de l'Impr. *A la Haye*
1740. p. 4. 4.





67
8

5















